



D^a. OLGA ALONSO SUÁREZ, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión **ordinaria do 23 de marzo de 2017**, adoptou o seguinte acordo:

3.- PROPOSTA PARA DAR CONTA DA NON ADMISIÓN DE OFERTAS E DECLARAR DESERTO O PROCEDIMENTO ABERTO DO SERVIZO DE MANTEMENTO INTEGRAL DO EXOTARIUM E BOLBORETARIO DE VIGOZOO. EXPTE. 7172/612.

Dáse conta da proposta asinada pola secretaria da Mesa de Contratación con data 14/03/17, que di o seguinte:

A Mesa de Contratación do Concello de Vigo, na súa sesión de data 13 de marzo de 2017, realizou entre outras, as seguintes actuacións:

14.- Incidencias

b) Procedemento aberto do servizo de mantemento integral do exotarium e bolboretario de Vigozoo (7172-612)

LEXISLACIÓN APLICABLE

- Real decreto legislativo 3/2011, de 14 de novembro, polo que se aproba o texto refundido da Lei de contratos do sector público (TRLCSP)
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto legislativo 3/2011
- Prego de cláusulas administrativas particulares para a contratación do procedemento aberto do servizo de mantemento integral do exotarium e bolboretario de Vigozoo (7172-612)

ANTECEDENTES

Primeiro.- Con data do 16 de decembro de 2016 a Xunta de Goberno local acordou aprobar o expediente para a contratación, por procedemento aberto, do servizo de mantemento integral do exotarium e bolboretario de Vigozoo.

Concorreron a esta licitación, segundo o certificado emitido polo Rexistro Xeral, os seguintes licitadores:

1. CLAUDIO ABALO CARRERA
2. DIEGO BALLESTEROS PEINADO



Copia auténtica do orixinal - Concello de Vigo	Data impresión: 27/03/2017 13:04	Páxina 1 de 5
Expediente 7172/612	Código de verificación: 24E44-22B58-355AD-8D42E	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica http://www.vigo.org/csv		

3. DECORACIÓN Y PAISAJE, S.A. (DYPSA)

Segundo.- A Mesa de Contratación do Concello de Vigo, na sesión que tivo lugar o 25 de xaneiro de 2017 acordou, por unanimidade, non admitir no procedemento aberto para a contratación do servizo de mantemento integral do exotarium e bolboretario de Vigozoo (7172-612) aos licitadores que deseguido se relacionan e polos motivos que se indican:

- CLAUDIO ABALO CARRERA: Por non declarar a solvencia técnica esixida neste procedemento, segundo o previsto na cláusula 8.4.3º do prego de cláusulas administrativas particulares. Esta cláusula establece que a solvencia técnica e profesional se acreditará mediante:

"Unha relación dos principais servizos ou traballos, de igual ou similar natureza que os que constitúan o obxecto do contrato, realizados nos últimos cinco anos que inclúa importe, datas e destinatario, público ou privado. Considerarase acreditada a solvencia se nalgún dos últimos cinco anos acredita servizos ou traballos por importe igual ou superior a unha anualidade media do prezo do contrato".

En coherencia co asesoramento prestado polo director de Réxime Interior de Vigozoo, os contratos declarados polo licitador dentro dos últimos 5 anos non se refiren a prestacións análogas ás do obxecto do contrato, sendo o obxecto do contrato a "prestación do servizo de mantemento integral das instalacións de exotarium e bolboretario nas instalacións do Vigozoo" (apartado 2a do Anexo I -FEC- do prego de cláusulas administrativas particulares), co detalle previsto na cláusula 1 do prego de prescricións técnicas particulares.

- DIEGO BALLESTEROS PEINADO: Por ter declarado unha solvencia técnica e económica insuficientes segundo o esixido na cláusula 8.4.3º do prego de cláusulas administrativas particulares ("Considerarase acreditada a solvencia se nalgún dos últimos cinco anos acredita servizos ou traballos por importe igual ou superior a unha anualidade media do prezo do contrato") e no seu Anexo II, sen que se tivese emendado durante o prazo concedido para o efecto.

Terceiro.- Na sesión que tivo lugar o 16 de febreiro de 2017 a Xunta de Goberno local adoptou o seguinte acordo:

"Á vista das actuacións desta Mesa de Contratación e dos informes de valoración das ofertas presentadas, por unanimidade dos asistentes, propónse á Xunta de Goberno local, na súa calidade de órgano de contratación (disposición adicional 2ª TRLCSP), a adopción do seguinte acordo:

"Primeiro.- Clasificar, de acordo cos criterios de adxudicación sinalados no prego, as proposicións admitidas neste procedemento na seguinte orde descendente:

Licitador	Puntuación
DECORACIÓN Y PAISAJE, S.A. (DYPSA)	100



Copia auténtica do orixinal - Concello de Vigo

Data impresión: 27/03/2017 13:04

Páxina 2 de 5

Expediente 7172/612

Código de verificación: 24E44-22B58-355AD-8D42E

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



Segundo.- Requirir ao licitador clasificado no primeiro lugar, DECORACIÓN Y PAISAJE, S.A. (DYPSA), para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 151.2 TRLCSP):

1. *Declaración responsable de non estar incurso en prohibición de contratar.*
2. *Certificacións de estar ao corrente das súas obrigas tributarias co Estado, coa Xunta de Galicia e coa Seguridade Social.*
3. *A documentación esixida nas cláusulas 8 e 21 do prego de cláusulas administrativas particulares (PCAP). Lémbrese, que de conformidade coa citada cláusula 8, a solvencia técnica acreditárase mediante “Unha relación dos principais servizos ou traballos, de igual ou similar natureza que os que constitúan o obxecto do contrato, realizados nos últimos cinco anos que inclúa importe, datas e destinatario, público ou privado. Considerarase acreditada a solvencia se nalgún dos últimos cinco anos acredita servizos ou traballos por importe igual ou superior a unha anualidade media do prezo do contrato”. En base a isto, só se terán en conta contratos cun obxecto igual ou similar ao deste contrato, consistente na “prestación do servizo de mantemento integral das instalacións de exotarium e bolboretario nas instalacións do Vigozoo” (apartado 2A do Anexo I -FEC- do PCAP), coas funcións detalladas no prego de prescricións técnicas particulares.*
4. *Resguardo da garantía definitiva esixible de acordo co disposto na cláusula 22 do PCAP.*

Terceiro.- Requirir ao citado licitador o aboamento de 952,64 euros en concepto de custos dos anuncios de licitación”.

Cuarto.- Este acordo foi notificado ao licitador clasificado en primeiro lugar e único licitador admitido, DECORACIÓN Y PAISAJES, S.A. (DYPSA), o día 16 de febreiro de 2017, no enderezo electrónico por el sinalado para os efectos de notificacións, no que se lle concedía un prazo de dez días para presentar a documentación esixida polo artigo 151.2 do TRLCSP. Transcorrido o referido prazo, que remataba o 2 de marzo de 2017, o citado licitador non presentou a documentación esixida.

FUNDAMENTOS XURÍDICOS

Primeiro.- De conformidade co artigo 151.2 do TRLCSP entenderase que o licitador retira a súa oferta de non cumprimentarse adecuadamente no prazo sinalado o requirimento da documentación esixida para a adxudicación do contrato, e procederase a solicitar a mesma documentación ao licitador seguinte, pola orde na que tiveran quedado clasificadas as ofertas.

Segundo.- A Mesa de Contratación é competente para propoñer deserta a licitación, ao abeiro do previsto no artigo 22.1g do Real Decreto 817/2009, no que se regulan as funcións das Mesas de Contratación.

Dado que o licitador clasificado en primeiro lugar non cumprimentou o requirimento do artigo 151.2 do TRLCSP no prazo concedido, non habendo máis licitadores admitidos neste procedemento, cómpre declarar deserta esta licitación.



Copia auténtica do orixinal - Concello de Vigo

Data impresión: 27/03/2017 13:04

Páxina 3 de 5

Expediente 7172/612

Código de verificación: 24E44-22B58-355AD-8D42E

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

Á vista do exposto, propónse a Xunta de Goberno local, na súa calidade de órgano de contratación (disposición adicional segunda do TRLCSP), a adopción do seguinte acordo:

- 1) “Dar conta da non admisión no procedemento aberto para a contratación do servizo de mantemento integral do exotarium e bolboretario de Vigozoo dos licitadores que deseguido se relacionan e polos seguintes motivos, acordada pola Mesa de Contratación do Concello de Vigo, na sesión que tivo lugar o 25 de xaneiro de 2017:
 - *CLAUDIO ABALO CARRERA: Por non declarar a solvencia técnica esixida neste procedemento, segundo o previsto na cláusula 8.4.3º do prego de cláusulas administrativas particulares. Esta cláusula establece que a solvencia técnica e profesional se acreditará mediante:*
“Unha relación dos principais servizos ou traballos, de igual ou similar natureza que os que constitúan o obxecto do contrato, realizados nos últimos cinco anos que inclúa importe, datas e destinatario, público ou privado. Considerarase acreditada a solvencia se nalgún dos últimos cinco anos acredita servizos ou traballos por importe igual ou superior a unha anualidade media do prezo do contrato”.
En coherencia co asesoramento prestado polo director de Réxime Interior de Vigozoo, os contratos declarados polo licitador dentro dos últimos 5 anos non se refiren a prestacións análogas ás do obxecto do contrato, sendo o obxecto do contrato a “prestación do servizo de mantemento integral das instalacións de exotarium e bolboretario nas instalacións do Vigozoo” (apartado 2a do Anexo I -FEC- do prego de cláusulas administrativas particulares), co detalle previsto na cláusula 1 do prego de prescricións técnicas particulares.
 - *DIEGO BALLESTEROS PEINADO: Por ter declarado unha solvencia técnica e económica insuficientes segundo o esixido na cláusula 8.4.3º do prego de cláusulas administrativas particulares (“Considerarase acreditada a solvencia se nalgún dos últimos cinco anos acredita servizos ou traballos por importe igual ou superior a unha anualidade media do prezo do contrato”) e no seu Anexo II, sen que se tivese emendado durante o prazo concedido para o efecto.*
- 2) Declarar deserto o procedemento aberto para a contratación do servizo de mantemento integral do exotarium e bolboretario de Vigozoo por terse retirado a oferta do licitador clasificado en primeiro lugar e ser este o único licitador admitido”.

Acordo

A Xunta de Goberno local aproba a precedente proposta.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.



Copia auténtica do orixinal - Concello de Vigo

Data impresión: 27/03/2017 13:04

Páxina 4 de 5

Expediente 7172/612

Código de verificación: 24E44-22B58-355AD-8D42E

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



O ALCALDE,
Abel Caballero Álvarez.



Copia auténtica do orixinal - Concello de Vigo	Data impresión: 27/03/2017 13:04	Páxina 5 de 5
Expediente 7172/612	Código de verificación: 24E44-22B58-355AD-8D42E	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica http://www.vigo.org/csv		